



साःगु भिंगु मरिचरिया नितिं लुमंका दिसै !

लक्ष्मण जमाल /चिलिमि'
प्रोप्राइटर

लाखा छेँ
LAKHA CHHEN

सोन्हुष्टे, वडा नं. १६, येँ, फोन नं.: ४५६०७५८

निर्वाचन स्थिर सरकार बीगु सम्भावना म्हो “छगू हे पार्टी बहुमत महःसा देय् भन अस्थिर जुइ”



लहना वाःपौ/नेपाःया मू राजनीतिक पार्टीतय्सं वइगु फागुन २१ गते जुइगु निर्वाचनया नितिं राजनीतिक दल निर्वाचन आयोगय् दर्ता यायेवं चुनावया वातावरण ब्वलंगु दु ।

प्रतिनिधिसभा विघटनयात कयाः एमाले लगायत थीथी व्यक्ति तय्सं सर्वोच्च अदालतय् दर्ता याःगु मुद्दा यदि प्रतिनिधिसभा पुनर्स्थापन मयायेगु निर्णय वल धाःसा निश्चित रुपं फागुन २१ गते चुनाव जुइ ।

जेनजी आन्दोलन लिपा नीस्वंगु अन्तरिम सरकारं प्रतिनिधिसभा विघटन यायेगुया लिसै फागुन २१

गते निर्वाचन यायेगु घोषणा याःगु खः । सरकारं निर्वाचन घोषणा यायेवं गुलिखे दलतय्सं निर्वाचनया विकल्प मदु धकाः धाःगु खःसा नेपाली कांग्रेस व एमाले धाःसा निर्वाचनय् वनेगु वा मवनेगु धकाः निर्णय याये मफयाच्चंगु खः ।

नेकपा एमाले प्रतिनिधिसभा विघटन विरुद्ध कांग्रेस लिसै जानाः सर्वोच्च अदालतय् मुद्दा तयेगु निर्णय यानातःगु खः ।

तर लिपांगु इलय् वयाः नेपाली कांग्रेस प्रतिनिधिसभा विघटन विरुद्ध सर्वोच्च अदालतय् मवनेगु निर्णय

यायेवं एमाले याकःचां जक जूसां न न्यायिक परीक्षण यायेगु धकाः सर्वोच्च अदालतय् मुद्दा तयेगुया लिसै निर्वाचन आयोगय् दल दर्ता यायेगु ज्या जगू खः ।

एमाले निर्वाचन आयोगय् दल दर्ता यायेवं फागुन २१ गते निर्वाचन जुइगु निश्चित जगू खः ।

तर वइगु निर्वाचनया नितिं आपालं न्हगु दलतय्सं न निर्वाचन आयोगय् दर्ता यायेवं आः वइगु निर्वाचनय् न छुं गुगु पार्टीया स्पष्ट बहुमत वइगु सम्भावना धाःसा मदइगु अवस्था ब्वलंगु दु ।

आः हे छगू हे पार्टीया स्पष्ट बहुमत मदयाः समस्या जुयाच्चंगु नेपाःया राजनीति आः हाकनं मेगु दुश्चक्रय् लाइगु सम्भावना अप्वया वंगु दु । आः जुइगु निर्वाचनय् आपालं न्हगु राजनीतिक पार्टीतय्सं न छुं छुं थासय् निर्वाचित जुइगु सम्भावना दु ।

गुक्रिया लिच्चः कथं सरकार गठन यायेत माक्व बहुमत मदइगु अवस्था वइ । लिच्चः कथं हाकनं ल्यं ७ पेजय्

अपराधी प्रवृत्ति दुपिं न उम्मेदवार जुइगु सम्भावना

न्हापा न्हापा निर्वाचनया इवलय् गुलिखे अपराधी प्रवृत्ति दुपिं न निर्वाचित जुइगु यानाच्चंगु खः । अथे जुयाः निर्वाचनय् उम्मेदवार जुइपं स्वच्छ छवि दुपिं जुइमाः धइगु माग न जुयाच्चंगु खः । तर आः वइगु निर्वाचनय् न अज्याःपिं अपराधी प्रवृत्ति दुपिं वा बदनाम व्यक्ति हाकनं निर्वाचित जुइगु सम्भावना दु । उम्मेदवारया योग्यता सम्बन्धी मापदण्ड कडा मजुगुलिं यानाः अज्याःपिं व्यक्ति निर्वाचित जुइगु यानाच्चंगु दु । अपराधी प्रवृत्ति दुपिं उम्मेदवार मदयेकेगु नितिं सरकार नैतिक पतन खनेदुपिं थीथी फौजदारी अपराधया दोषी व अभियुक्तयुत पनेत तयार याःगु कानुन मस्यौदा निदैं न्हयविनिसै गृह मन्त्रालय अलपत्र जुयाच्चंगुली वइगु निर्वाचनय् न थीथी कसुरय् स्वानाच्चंगु व्यक्ति उम्मेदवार जुइ दइगु जगू दु । वंगु निर्वाचनय् गुण्डा

नाइके धकाः म्हासिमह दिपक मनाडे मनाडं निर्वाचित जगू जक मखु मन्त्री तर्क जुइत ताः लाःगु खः । उक्तथं हे मेम्ह हत्याया दोष फयाच्चंगु एमालेया नेता लक्ष्मी महतो कोइरी लिसै थीथी कसुरय् मुद्दा लानाच्चंगुपिं न निर्वाचित जुइ फइगु सम्भावना अभ्र नं दनिगु जुयाः वइगु निर्वाचनय् चारित्रिक दाग दुपिं न निर्वाचित जुइगु सम्भावना ब्वलंगु दु । उम्मेदवारया योग्यता सम्बन्धी कडा प्रावधान तयाः तयार याःगु निर्वाचन व्यवस्थापन सम्बन्धी विधेयकया मस्यौदा निर्वाचन आयोगं निदैंत्या न्हयः गृह मन्त्रालय छ्वःगु खः । तर सरकारं उगु मस्यौदायात न्हयःने यंकेगु चिउता हे मकयं । आः नं सरकारं अध्यादेश हयाः कानुन संशोधन यानाः अपराधी प्रवृत्ति दुपिं कारवाही यायेगु लैपु दनि तर थुखेपाखे सरकारं ध्यान बियाच्चंगु मदुनि ।

मानन्धर व श्रेष्ठ त्याकल नेवाः मैचा बौचा ११४६



लहना वाःपौ/नेवाः मस्तयुत नेपालभाषा व नेवाः संस्कृति म्हासीके बीगु तातुना न्ह्याःगु नेवाः मैचा बौचा ११४६ या उपाधि अनुसिया मानन्धर व निर्भेष श्रेष्ठपिसं त्याकेत ताःलाःगु दु ।

कलश इभेन्टसुया ग्वसालय् न्हूजः गुथिया नायः सूर बहादुर श्रेष्ठया सभापतित्वय् वरिष्ठ हुलाप्याखीम नारायणदेवी प्रधानया मूपाहाँसुइ जगू ज्याइवलय् २२ म्हा मस्तयुगु ब्वति दुगु खः ।

ज्याइवलय् विशेष पाहाँकथं येँ मनपा १२ वडाया अध्यक्ष

बालकृष्ण महर्जन, ज्यापु संस्कृति विकास कोषया न्वकू सन्त कुमार महर्जन, काठमाडौं मोडल स्कूलया प्रधानाध्यापक राजेन्द्र महर्जन, समृद्धि स्कूलया संचालक दिनेश महर्जन, लहना मिडियाया प्रबन्ध सम्पादक सुरेन्द्रभक्त श्रेष्ठ, मेरो साप्ताहिकया सम्पादक रत्न काजी महर्जन भायादीगु खः ।


ज्याइवलय् नेवाः मैचापाखे फस्ट रनर अप सामना महर्जन व सेकेण्ड रनर अप नेरिसा महर्जन जुल सा नेवाः बौचापाखे फस्ट रनर अप ल्यं ७ पेजय्



इलाह Cultural Fest 1146
"Mangshir 18, 19 & 20"
Alko Hiti Bhachhen, Lalitpur-11, Nepal

Programs Includes

- *Yumari Puri Celebration
- *Culture Dance
- *Music Fest
- *Fashion Show
- *Chess Competition
- *Food Stalls
- *Art Markets
- *Live painting



ज्यापु दिवस : मिहग, थौं व कन्हय्



जुजुभाई डंगोल

सल्लाहकार

ज्यापु संस्कृति विकास कोष

प्रारम्भिक चरण (२०५८–२०६०)

सरकारी तथ्यांक कथं नेपालय् १२५ जातजाति बसोबास यानाच्चंगु दु । प्रत्येक जातजातिया थःथःगु संस्कृति दु । भाषा व धर्म स्वयां समाजयात स्वाइगु महत्वपूर्ण कडी खः संस्कृति । राष्ट्रिय अन्तर्राष्ट्रिय स्तरय् नेपाःया संस्कृति धकाः म्हसिका बिइगु इवलय् भीगु नेवाः संस्कृतिया नां न्हापालाक्क काइ । नेपाल संवत न्हूद कुन्हु म्हः पुजा यानाः वाः पतिकं, लय्पतिकं जात्रा पर्व, नखः चखः हनाः लक्ष्मीपुजा यानाः दच्छि क्वचायेकेगु भीगु सांस्कृतिक धार्मिक परम्परा खः ।

गुथि संस्थानपाखे पित बिउगु २०५६ सालया विवरण कथं यँ महानगरपालिका दुने जक गुथि संस्थान मातहत नित्य पूजा, आरती, पर्व पूजा, खः जात्रा, देवी नृत्य, आदि संचालन जुइगु गुथित न्ययगु मयाक्क दु । थथे, लय्पतिकं जात्रा पर्व संचालन यानाः वयाच्चीपि ज्यापु समुदाय दुने 'ज्यापु दिवस' छगू न्हूगु कथं थःगु जातीय पहिचान व गौरवयात लुमंका न्ह्याकुगु दिवस खः ।

“यँ महानगरपालिका दुनेया ६३ त्वाः नासःछः ज्यापु गुथितय् बाजागाजा संरक्षण यायेत रु. १२ लाख ६० हजार आर्थिक सहयोग स्वरुप” आर्थिक वर्ष २०५७/५८ या बजेटय् व्यवस्था जुल । अर्थ मन्त्रालयपाखे प्राप्त जूगु ध्यबायात अक्षय कोष दयेका ध्यबा तना वनेगु सोचं सम्बन्धित गुथितय् नाप क्वालुगु सम्बन्ध तयाः नारायण परिवार क्लब व ज्यापु महागुथि नेपाःया सहकार्य जुयाः २०५८ सालय् ज्यापु संस्कृति विकास कोष गठन जुल ।

विकास कोष गठन जुइ धुंका अक्षय कोषपाखे प्राप्त जूगु व्याज रकम सम्बन्धित गुथि खलःयात इनेगु ज्याया नापं गुरु पुन्हि कुन्हु मंकाः गुरु हनेज्या, ज्यापु दबु (एफ एम) संचालन, अक्षय कोषय् रकम वृद्धि यायेत थीथी कथंया ज्याइवः जुल । विशेष यानाः त्वाः गुथिया गुरु व नायःपि नाप सम्बन्ध क्वातुकेगु व वय्कः पिनित विकास कोषया ज्याय् अपनत्वया भावना ब्वलंका सहभागिता याकेगु ज्या न्ह्यावन ।

वर्तमान चरण (२०६१–२०८२)

परम्परागत मौलिक बाजागाजा व सांस्कृतिक सम्पदाया अभिलेख तयार यायेगु, लिपिवद्ध यायेगु, श्रव्य दृश्य भिडियो दयेकेगु, ल्याय्म्हतयगु व्यक्तित्व व नेतृत्व विकास यायेगु, बाजा मर्मत संभार यायेत ग्वाहाली यायेगु, परम्परागत संस्कृति, सांस्कृतिक निधि व सम्पदा बारे अध्ययन, अनुसन्धान, गोष्ठी यायेगु, ज्यापु सफूकुथि व संग्रहालय नीस्वनेगु

उद्देश्य तयाः ज्यापु संस्कृति विकास कोष पलिस्था जूगु खः । ई कथं न्ह्याःवनेत ज्यापु संस्कृति विकास कोष २०६१ सालं निसे ज्यापु दिवस सांस्कृतिक अभियान कथं हनेगु क्वःछित । ज्यापु दिवसयात नेपाल सरकारपाखें २०६५ सालनिसे राष्ट्रिय दिवसया मान्यता बिया सार्वजनिक विदा नं बिल ।

सिमित श्रोतसाधन व थीथी कथंया पंगः वल नं निगु दशकया उपलब्धी कथं गर्व यायेबहःगु ज्या जूगु दु :



हनाः ज्याः ज्यापु दिवसया लसताय् प्रतिभावान काय् म्हेयाय् पित हःपाः बिइगु, युवातयगु विशेष क्षमतायात कदर यायेगु व जीवन पर्यन्त सेवा यानाः व योगदान बियादीपिं वरिष्ठ नागरिकपित सम्मान यायेगु ज्या जुयाच्चंगु दु । थ्यमथ्यं खुसः (६००) मनुतयूत हनेगु ज्या जुइ धुंकल । वय् कःपिं फुक्कं विकास कोषया सद् भावना दूत (गुडविल एम्बेसडर) खः ।
भौतिक पूर्वाधार विकास : संस्थागत विकासया लागिं थःगु निजी भवन अनिवार्य खः । बागमती प्रदेश सरकारया आर्थिक ग्वाहालि दयाः २०८१ सालय् विकास कोषयागु भवन निर्माण जूगु दु — यँ महानगरपालिका दुनेया यतखा हँय्पूननी ।

ज्यापु खँवःया सम्मानः नेवाः समाज दुने थीथी जाति वा थर दु । महर्जन, सिं, सुवाल, डंगोल, प्रजापति, मुनिकार, संगत, आदिया मंकाः शब्द खः ज्यापु । भी ज्यापु सीप दुपिं समुदाय खः । ज्यापु समाज सीपयात सम्मान याइगु समाज खः । सीपया धनी अले सांस्कृतिक सांगीतिक क्षेत्रय् अग्रणी भूमिका म्हिता वयाच्चंगु भीगु समुदायया थःगु ज्यापु पन, ज्यापु पहिचान, ज्यापु संस्कृतियात लुमंका ज्यापु खंवःयात सम्मान यायेगु व याकेगुलि भीपिं सफल जुयाच्चंगु दु ।

मिसा खलः पुचःया व भेषभुषाया प्रचार प्रसार : ज्यापु धाय्साथं हे ज्यापुतय्सं पुनिगु वसः व तिसा लुमना वइ । मिर्जतय्सं पुनिगु तपाः लं, जनि, इष्टकोट, पुइगु तग्वः तपुलि, न्ह्याइगु हाकुगु कापः लाकां । मिसातय्सं सिनिगु हाकु पतासि, पुतु दुगु लं, कापः लाकां अले न्हाय् पनय् तिइगु व क्वखाइगु तिसा थःगु हे बिस्कं पहःयागु दु । थौं थ्व ज्यापु मिसातयगु वसः नेपाः दुने जक मखु, अन्तर्राष्ट्रिय स्तरय् जुइगु कार्यक्रमय् सकल मिसातयगु औपचारिक वसः जुइ धुंकल । मौलिक पहःयागु वसः पुनाः तिसां तियाः सांस्कृतिक च्याली ब्वति काइपिं मिसा खलः व पुचःतयगु ल्याः दैय्दसं अप्वया वनाच्चंगु दु ।

यँ महानगर दुने जक थ्यमथ्यं न्ययगू (५०) मिसा पुचः सक्रिय जुयाच्चंगु दु ।

नेवाः नसाःया लोकप्रियता : छगू संजोग धायेमा, ज्यापु दिवस योमरी पुन्हि कुन्हु न्यायेका च्वना । अथेजुयाः गुलिम्यां योमरी पुन्हि हे ज्यापु दिवस धकाः कयाच्चन । ज्यापु दिवसया लसताय् ज्यापु दिवस मूल समारोह जुइगु बसन्तपुर (यँ) या दबुलि थीथी कथंया ब्वज्या जुयाच्चनी । अन नसाः

पसः नं चायेकी । योमरी विशेष नसा हे जुल । योमरी नापं नेवाः समे बजि कथं बजि, छोय्ला, भुति, अचार दयेका तइ । ज्यापु दिवसं यानाः छँ दुने सीमित जुयाच्चंगु योमरी थौं अन्तर्राष्ट्रिय नसा जूगु दु । नेवाः नसा कथं समेबजि छगू अन्तर्राष्ट्रिय स्तरया खाजा जुइ धुंकल । यल महानगरपालिकाया कुतलं योमरीयात युनेस्कों अभौतिक सम्पदा कथं सूचीकृत यात । यँ महानगर समितिपाखें छँय् दयेकीगु अय्लाःयात गुणस्तर कायम यानाः बजारीकरण यायेत कुतः जुयाच्चंगु नं दु ।

मिडियापाखें विश्वव्यापी प्रचार : ज्यापु दिवसया अवसरय् थीथी कथंया ज्याइवः न्ह्याइ । संयोजक त्वालं शुरु जुइगु सांस्कृतिक च्याली नगर परिक्रमा याना बसन्तपुरय् मूल समारोह जुइ । प्रमुख अतिथि कथं सम्माननीय प्रधानमन्त्री भाया दिइ नापं सम्बन्धित मन्त्रीपिसं नं ब्वति काइ । थुगु ज्याइवःया प्रचारप्रसार विश्वव्यापी जुयाच्चंगु दु ।

लेख, स्मारिका व सफू प्रकाशनः ज्यापु दिवसया लसताय् थीथी कथंया लेख, सफू व स्मारिका पिहां वयाच्चंगु दु । नापं थीथी पत्रिकापाखें ज्यापु सम्बन्धी लेखत दुथ्याकाः विशेषांक पिकया हःगु दु । बुज्या (कृषि), इतिहास, संस्कृति, नखःचखः, सांस्कृतिक गतिविधिया विविध पक्षयात कयाः ज्यापु म्रष्टापाखे सफुत प्रकाशन यानाच्चंगु दु । थथे थःगु इतिहास थम्हं च्वयेगु ज्या शुरु जूगु दु ।

ज्यापु नेतृत्वया विकास : ज्यापु दिवस हनेज्याया इवलय् दैय्दसं नेवाः परम्परा कथं छगू परम्परागत त्वाः गुथियात संयोजकया पाःब्व लःल्हाना दच्छिखंजक ज्यापु दिवस छगू सांस्कृतिक अभियान कथं न्ह्यानाच्चंगु दु । थुकिंयाना त्वाः त्वालय् ज्याइवः न्ह्याकेगु, व्यवस्थापाकीय व प्रशासनिक ज्या यायेगु, सरकारी व दातु निकायलिसे स्वापू तयेगु ज्यां यानाः त्वाःत्वालय् न्हूगु नेतृत्व विकास जुयाच्चंगु दु ।

अन्तर्राष्ट्रिय सम्पर्क व सहभागिता भारतया दार्जिलिङ शहरय् २०८२ जेठ ३१ र असार १ गते निन्हुयंक भव्यरुपं सम्पन्न जूगु अखिल

भारतीय नेवार संगठनया न्हय्क्वःगु राष्ट्रिय महाधिवेशनय् ज्यापु संस्कृति विकास कोषपाखें नं ब्वति कायेगु ज्या जुल । बेलायतया लन्डन शहर सेप्टेम्बर १३ व १४ तारिख कुन्हु जूगु न्हापांगु नेवाः प्राज्ञिक कन्फरेन्सय् नं ज्यापु संस्कृति विकास कोषया सल्लाहकार जुजुभाई डंगोलया कार्यपत्र प्रस्तुति व न्वक् भाजु सन्तकुमार महर्जनया सहभागिता जूगु दु । थथे हे, बेलायत, अमेरिका, युरोपया थीथी खलः पुचःनाप सम्पर्क विस्तार जुयाच्चंगु दु ।

भावि लँपु

देशय् राजनैतिक व्यवस्थाय् उथलपुथल जुयाः संवैधानिक राजतन्त्रात्मक बहुदलीय व्यवस्था खारेज जुयाः संघीय लोकतान्त्रिक गणतन्त्रात्मक व्यवस्था वयेधुंकल । २०७२ सालया महाभूकम्पया असर नं भीसं भोगे याये धुन । नापं २०७७ सालपाखे शुरु जूगु कोभिड महामारीया भयावह अवस्था नं भोगे यायेधुन । प्रतिस्पर्धात्मक खुला बजार (ग्लोबल मार्केट), शिक्षा, सीप व सूचना वगु हिउपाः नाप अभ्यस्त जुयाः न्ह्याःवनेमाःगु थौंया युवातयगु लागिं बाध्यात्मक परिस्थिति सिर्जना जूगु दु । अथेजुयाः शिक्षा व रोजगारीया अवसर चुलाकैत भी मस्तनं हलिमय्या थीथी देशय् वनाच्चंगु दु । युवा पुस्ता दुने थीथी संचार माध्यम (टि्वटर, फेसबुक, ह्वाटसअप, आदि) पाखे सम्पर्क तयाः काल बिल यायेगु ज्याः सामान्य जुइधुकल । थज्याःगु अवस्थाय् नं भी नेवाः (ज्यापु) युवात मौलिक संस्कृतिया संरक्षणय् समर्पण जुयाच्चंगु दु । सांस्कृतिक व धार्मिक सम्पदाया जगेर्ना यायेत व मौलिक पहिचानयात निरन्तरता बिइत सक्रिय जुयाच्चंगु दु । थ्व भीगु तःधंगु शक्ति खः ।

ज्यापु संस्कृति व ज्यापुनाप स्वापू दुगु थीथी विधाया अध्ययन अनुसन्धान जुयाच्चंगु दु । विदेशी विद्वानपि पाखें जक मखु नेपाःमितय्सं नं थुखे पाखे यक्व कुतः जुयाच्चंगु दु । थ्वहे इवलय् उल्लेख याये बहजु : वंगु २०२५ सेप्टेम्बर महिना बेलायतया राजधानी लन्डन शहर जूगु न्हापांगु अन्तर्राष्ट्रिय प्राज्ञिक नेवाः सांस्कृतिक सम्पदा कन्फरेन्स : नेपाः दुने व पिने निरन्तरता व हिउपालय् भिंखुगू देय् (अमेरिका, अष्ट्रेलिया, आयरलैण्ड, क्यानाडा, जर्मनी, जापान, डेनमार्क, निडरलैण्ड, नेपाल, न्यूजिलैण्ड, फिनलैण्ड, फिलिपिन्स, फ्रान्स, भारत, वेलायत, स्वीडेन) या विश्वविद्यालय,

अनुसंधान केन्द्र, सांस्कृतिक खलः पुचः नाप आवद्ध जुया? दिइपिं ५० जना मयाक प्राध्यापक, अनुसन्धानकर्ता, विद्यार्थी, सांस्कृतिक अभियन्ता, सांस्कृतिक सम्पदाया अभ्यासकर्तातयगु सहभागिताय् सुइगूगु (३९) कार्यपत्र प्रस्तुत जुयाः गहन विचार विमर्श जूगु कन्फरेन्सय् ज्यापु दिवसया बारे नं कार्यपत्र प्रस्तुत जूगु दु ।

थथे, च्वय् न्हयथना कथं निगू दशकया दुने ज्यापु दिवसया ज्याइवलं यानाः खने दयेक वा खने मदयेक यक्व उपलब्धी जुयाच्चंगु दु । आः भीगु न्हयःने चुनौती वःगु दु : ज्यापु संस्कृति विकास कोषया पलिस्था (२०५८) या इलनिसे सक्रिय जुयाः अक्षय कोष रकम वृद्धि यायेत नेपा सरकारपाखे कुतः याना दिइपिं तत्कालिन राज्य मन्त्री तीर्थराम डंगोल, नारायण परिवार क्लवया अध्यक्ष चक्रमान डंगोलया नापं यक्व हे गुरुपि व नायःपि दिवंगत जुइ धुंकल । थौतक नं सक्रिय जुयाच्चीपि तत्कालीन श्री ज्यापु महागुथि नेपाःया नायः सन्तु महर्जन, उपाध्यक्ष जुजुभाई डंगोल, मखं त्वाः नायः व वर्तमान ज्यापु संस्कृति विकास कोषया नायः मंगलकृष्ण सिंह, न्येत त्वाःया नायः व ज्यापु महागुथि नेपाःया नायः सत्यनारायण डंगोल लगायतया शुभचिन्तकीपि न्हयदै (७० वर्ष) या आसपास थ्यने धुंकल ।

ज्यापु संस्कृति विकास कोषया विधान कथं परम्परागत ६३ ज्यापु त्वाः गुथिया नायःपि साधारण सदस्य खः । वय्कःपिं पाखें ल्ययाहःपि न्हय् म्ह कार्य समितिया दुःज जुइ । संस्थापक सस्था ज्यापु महागुथि नेपाः व नारायण परिवार क्लवपाखे स्वम्ह स्वम्ह स्वम्ह यानाः खुम्ह कार्यसमितिया दुजः जुइ । थथे भिस्वम्ह दुने सहमती कथं छम्ह नायः (अध्यक्ष) जुइ । आः वइगु न्हूगु कार्यसमिति प्रतिनिधित्व जुयाः वइपि सम्भावित मनुतयगु उमेर नं न्ययेदै जःखःयापिं खनेदु ।

संस्थाया सफलता धैगु नेतृत्व वर्गतयगु सक्रिय समर्पण खः । ज्ञान व सीप धैगु सयेका सिइका कायेफै । तर, धारणा (एटिच्युट) मन दुने निसं वइगु अन्तर्निहित गुण खः । अथें मन क्वसाःपिं ज्ञान व सीप दुपि युवातयूत ज्यापु संस्कृति विकास कोषया ज्याय् आकर्षण याना जिम्मेवारी बिया न्ह्याःवनेमाःगु थौंया मू चुनौति खः । थुखेपाखे, विकास कोषया पदाधिकारीपिं, शुभेच्छुकपिसं चिन्तन मनन यायेमाःगु दु । जय ज्यापु दिवस ।

२२ क्वःगु राष्ट्रिय ज्यापु दिवस व नेपाःमिपिनि तःजिगु नखः

यःमरि पुन्हीया लसताय् सकल नेपाःमिपिन्त यक्व यक्व भितुना







यःमरि थीथी विशेषतां जाःगु नखः



પ્રેમમાન ડંગોલ

यःमरिया नं थीथी विशेषता
दुला ? छु छु दु ले विशेषता ? धयागु
यक्व न्ह्यसः दनेफु । यःमरि धङ्गु ला
दयेकाः नयेगु ला खः नि । चिकुलाया
इलय् नयेगु यःमरिइ चाकु दङ्गुलिं
पोषकतत्व दङ्गु व चिकुलाया ई कथं
क्वाना वङ्गुलिं यःमरि नयेबलय् यक्व
फाइदा जुङ्गु खः । थ्व हे ला खः नि
यःमरिया विशेषता, मेगु छु छु दु ले
विशेषता ? धकाः न्ह्यसः वयेफु ।
धात्थें धायेगु खःसा यःमरिइ यक्व
हे विशेषता सुलाच्चंगु दु । भीसं
वाःचायेके मफ्याच्चंगु जक खः ।
अथेजुयाः थ्व यःमरि नयेगु धयागु रह
बहरं जक नया वयाच्चनागु नसा जक
ला खः नि धकाः धायेमज्यु ।

दकलयू न्हापां भीसं यःमरिया
परिभाषा अर्थात् यःमरि धकाः गथे नां
जूनन ? थ्व मरियात् यःमरि धकाः नां
सुनां बिल ? थ्व स्यूला यःमरि नयाः
न्त्यइपुका च्वीपिं न्हूगु पुस्ताया ल्यासे
ल्यायूमहतसें ? धनसम्पत्तिया द्यः कुबेरां
यःमरिया नां छुनाब्यूगु खः । थ्व खँयू
छगू धार्मिकतां जाःगु घटनां पुष्टि
यानाःगु दु ।

धार्मिक, सांस्कृतिक, परम्परागत संस्कार व सामाजिक शीथी कथंया विशेषतां जाःगु यःमरि दयेकाः नयेगु व यःमरि दान यायेगु चलन गबलेँ निसेँ दुगु खः धयागु खँय दुवालाः अध्ययन यान स्वयेबलय् यःमरि दयेकेगु चलन पन्तिं शुरु जूगु खः धाइ । लिच्छवीकालीन इलय् स्वनिगःया मनूत तराई वनेमाल धाःसा पन्ति जुकाः वनीगु जुयाच्चन । उगु इलय् पन्ति देय् विकसित जुइधुंकूगु जुयाच्चन । पन्ति देशय् सुचन्द्र नांया छ्मह महाजन दुगु जुयाच्चन । सुचन्द्रया मिखां न्ह्याय् मदयेक बुँ दुगु जुयाच्चंगुलिं वयात महाजन धाइगु जुयाच्चन । बुँ यकव दयाः महाजन जूम्ह सुचन्द्र महर्जन हे खः । महाजनया अपभ्रम्स जुयाः महर्जन जूवंगु खः । महाजन सुचन्द्र व तिरि म्येजु सुशीला निम्ह तिपु यकव धनसम्पत्ति दुपां तःधं जुइम्वाःपिं, सकसितं ग्वाहालि यानाः धर्म कर्म यायेमाःपिं जुयाच्चन । बुँ वःगु यकव बालीनानीं यानाः उल्लेख्य धनसम्पत्ति मुंकाच्चीपिं सुचन्द्रया निम्ह तिपु हे जानाः विष्णु भगवानया भक्तिभाव यानाच्चनीगु अले न्हिनिहं दान नं यानाच्चनीगु । सुचन्द्रं सुनां छु

पवन, वयात व हे दान बीगु यानाच्चन हं । थथे जुयाः सुचन्द्रया थाय् दान पव् वईपिं न्हियान्हिथं अप्वया वन हं, तातापाक निसें दान पव् वयेगु यात हं । यक्व मन्तूयसं दान काःवःगुलिं दान काः वईपिसं ताःहाकः इवः छुनाः हे दान कायेमाल हं । अयुनं सुचन्द्र दान बिय हे च्वन । थथे निर्निहं दान बियाच्च्वम्ह सुचन्द्रया नां दानीम्ह धकाः तातापक तक नं बयबय जुल हं । थथे यक्व दान बिथाः दानीम्ह धकाः सुचन्द्रया नां बयबय जूगु खँ धनसम्पत्तिया द्यः कुबेरं सीकाः सुचन्द्रया परीक्षा कायेत मर्त्यमण्डलय् कुहांवल । कुबेरं थःत छम्ह प्वगिया रुपय् हिलाः भ्वाथःगु वसः पुनाः सुचन्द्रया थाय् दान पव्वन । दान कायेत कुबेरं इवः छुनाच्च्वीपिं मन्तूयगु इवलय् दं वन । दकलय् ल्यूने दनाच्च्वम्ह प्वगिं रुपी कुबेरयात खंकाः सुचन्द्र व वया तिरि मय्जु सुशीलां थःगु छैय् न्हूम्ह प्वगिं पव् वल धकाः लय् लय्तायाः प्वगियात लसकुस यानाः छैय् दुत यंकाः वयागु पुलांगु भ्वाथःगु लै त्वःतकाः स्नान याकाः न्हूगु वसः पुंकाः सफा सुघर यानाः थःगु आसनय् विराजमान याकाः सुचन्द्र क्वाःक्वाः छुनातःगु यःमरि नके हल । सुचन्द्र व तिरिमय्जुं बुं यक्व अन्न दश्गु व वहे अन्नपाखें थीथी कथंया मरिचरि दयेकाः द्यःयात छायेगु, थःपिसं नयेगु अले मेपितं न प्रसाद कथं इनीगु जुयाच्चन । थथे मरि दयेकीबलय् जाकिचुं ह्य यलाः गबलें द्यःतय्गु मूर्ति दयेकीगु, गबलें थीथी प्रकारया आकार प्रकार वयेक विष्णु भगवान, लक्ष्मी, कुबेर, गने द्यःया नं मूर्ति दयेकीगु जुयाच्चन । अले वायागु भकारीइ तयाः पूजा याइगु जुयाच्चन ।

सुचन्द्र महाजनं अथे हे क्वाःक्वाः
 छ्नातः गु यःमरि फ्वर्गिं रुपी कुबेरयात
 नकूबलय् कुबेर लयूतायाः थःगु रुपया
 दर्शन बियाः वरदान फ्वं धाइ । अले
 सुचन्द्र थःगु भकारीइ गबलेनं वा म्हवः
 मजुइमा धकाः पवनी । सुचन्द्रया थाय्
 फ्वं वइपिं सकल गरीबपित नके फयेमा,
 दान वी फयेमा धकाः थःगु भकारीइ अन
 गबलेनं म्हवः मजुइमा, न्ह्याक्व लिकाःसां
 जायाच्चनेमा धइगु सुचन्द्रया इच्छा
 सीकाः कुबेरं थःत नक्यू मरि यःगुलिं थ्व
 मरिया नां हे यःमरि जुल धकाः नां छ्यु
 जुयाच्चन । थुकथं यःमरिया नां च्वंवगु



खः धाइ । उगु इलानिसें हे यःमरि नयेगु दि
यःमरि पुनिह कुन्हु छैवा पतिक मस्तयूसं
म्ये हाल्लाः यःमरि फ्वं वनेगु चलन दुगु
खः धाइ । यःमरि फ्वं वनेबलय् मस्तयूसं
थये म्ये हाल्ला - “त्यःछित्यः, बकछित्यः,
लातापाता कुलिंचा जुसित्यः ॥ यःमरि
च्वामु, उक्की दुने हामु । ब्यूम्ह त्यासे,
मब्यूम्ह बरिक्कि ॥’

नेवाःत नखःचखःया ल्याख्य
तसकं तःमि । नेवाः संस्कृति व सम्पदा
हलिमय् लोकं ह्वाः । नेवाःतय् थीथी
नखःचखः हनेगु इवलय् न्ह्यइपुस्से
च्चकं हना वयाच्चंगु थ्व यःमरि पुन्हि
बिस्कं विशेषतां जाःगु नखः खः ।
नेवाः संस्कृति व संस्कार नाप स्वापू दुगु
यःमरि पुन्हिबलय् दयेकीगु यःमरिया
थःगु हे पहः, थःगु हे मौलिक विशेषता
दु । कृषि प्रधान देय्या नेवाःतय् विशेष
यानाः ज्यापुतय् पेशा धइगु हे बुंज्या
खः । न्हगु बाली छैय् दुकयाः न्हगु
वाया जाकिचुंया यःमरि दयेकाः नया
वयाच्चंगु खः ।

नेवाःतयूस् जक दयेकाः नयाच्चंगु
यःमरि दयेकेगु न थःगु हे पहः दु । न्ह्यु
जाकिं दयेकीगु जाकिचुं लस्सा दइगु
जुइमाः । चाकु व हाम्वः चुं तथाः
दयेकीगु शंख आकारया यःमरियात
'बायः' धाइ । यःमरिया मेगु आकार
स्वकुं लाइ । थुकियात 'मायः' धाइ । थ्व
मायःबायः धाःगु आगम परम्परा कथं
श्रृष्टिया आदि पुरुष व आदि शक्ति, मां
व अबु अर्थात् मिजं व मिसाया प्रतिक
खः

यः मरि पुन्हि कुन्हु हे न्हूग वा तयेगु
भकारीयात लक्ष्मी द्यः भाःपियाः पूजा
यानाः उकी द्यःने जाकिचुंया गनेद्यः,
कुबेर, लक्ष्मी व थ्व द्यःतय्गु बाहां तिछुं,
कल्यु, ख्याः नं दयेकाः तइ ।

यःमरि दयेकेबलयू ल्वहंचा

मरिं न दयेकी । त्वहंचा मरि द्यः पूजा
यायेत छ्यलेगु याइ । स्वनिगः दुने
थीथी द्यःतयगु रथयात्रा वा खः जात्रा
याइबल्य् न त्वहंचा मरि, चतांमरि व
यःमरि ह्वलेगु चलन दु । अथे ह्वला
हःगु यःमरि कायेफत धाःसा काय् बुइ
धइगु जनावश्वास दु । मचातयगु निदँ,
प्यदँ, खुदँ, च्यादँ, भिदँ व भिनिदँ
बुन्हिबल्य् यःमरि माः क्वखायेकेगु
चलन दु । वःदँ दुगु खः, वःगः हे यःमरि
क्वखायेकी । १२ दँ दइबल्य् १२ गः हे
यःमरि क्वखायेकेबल्य् बाहेक निगः,
प्यंगः व च्यागः यःमरि क्वखायेकीबल्य्
यःमरि दुने न्यागः आख्य् तयेगु चलन
दु । थये न्यागः आख्य् तयेगुया अर्थ
पञ्चतत्व व पञ्चबुद्ध्या प्रतीक कथं
कयातःगु द ।

यःमरियात हे न पञ्च तत्त्व कथं
कयातःगु दु । अग्नि, जल, वायू, पृथ्वी,
अग्नि, आकाशयात पंचतत्त्व धाइ ।
यःमरि दुने पृथ्वीया रूपय जाकिचुं,
अग्निया रूपय चाकु, जलया रूपय
लः, आकाशया रूपय खाली थाय व
वायूया रूपय हाम्वःयात कयातःगु दु ।
आयुर्वेदया मान्यता कथं न यःमरि यक्व
हे पौष्टिकतां जाःगु नसा ज्वलं जूगुलिं
हे जुइमाः, यःमरि दयेकाः नयेगु चलन
भीरु पुर्खातयूसं दयेकातःगु । यःमरि पुनिह
कुन्हु जक मखसैं मस्तयगु जन्मनिह,
मचा जंकव, बुराबुरीतयगु जंकव, प्वाथय
दुपिं म्हायाय मस्तयूत धौबजि नकः
वनीबलय व गुथि पूजाबलय न यःमरि
विशेष कथं नयेगु नकेगु याः । हेमन्त व
शिशिर निगुलिं चिकुलाया ऋतु जूगुलिं
मन्तयगु म्हाया नीतिं पौष्टिकतां जाःगु
नसा नयेगु पायुछि ई खः ।

छू किम्बदन्ति कथं स्वयम्भू
महाचैत्य दयेके न्ह्यः नमूना
दयेक्यु जुयाच्चन । व नमूना यःमरिया
आकारपाखे काःगु जुयाच्चन । स्वयम्भु
महाचैत्यया कवय् गुम्बज आकार तयाः
च्चय् च्चका लूगु १३ गू भुवन सहितया
चक्रवात खः धाइ । थ्व चैत्यया गर्भ
दुने पञ्चबुद्ध दु । मचा जक्वबलय्
क्वखायेकीगु यःमरि दुने न्यागः आख्य
नं पञ्चबुद्धया प्रतिक कथं तइगु खः ।
स्वयम्भू महाचैत्यया उगु नमूना दयेक्यु
न्हि नं यःमरि पुन्हि कुन्हु हे खः धाइ ।
स्वयम्भू महाचैत्य दयेक्यू इलय्
पञ्चबुद्धया मूर्ति मदु हं, लिपा तिति
तःगु खः धाइ ।

नेपाःमिपिनि तःजिगु नखः

यःमरि पुन्हीया लसताय्

सकल नेपाःमिपिन्त भित्तूना

देहानाचवना ।



मॉडर्न नवाः इंग्लिश स्कूल
Modern Newa English School

Durbar Marg, Kathmandu, Nepal. Tel.: 5349350



यःमरि द्यः मरियात कयाः कार्यशाला



लहना वाःपौ/नेपाल ललितकला प्रज्ञा-प्रतिष्ठानया ग्वसालय् व काठमाडौं महानगरपालिकाया सहकार्यय् वंगु आइतवाः 'नेवाः लोककलाअन्तर्क्रियावयःमरियाद्यःमरि कला कार्यशाला' जुल। ज्याइवलय् प्रतिष्ठानया कुलपति नारदमणि हार्तमछाली व संस्कृति, पर्यटन तथा नागरिक उड्डयन मन्त्रालयया संस्कृति महाशाखा प्रमुख सहसचिव डा. सुरेश श्रेष्ठ उलेज्या यानादीगु खः।

ज्याभूवलय् प्रतिष्ठानया कुलपति नारदमणि हार्तमछाली थ्व ज्याभूवलं पहिचान व कला

जागरणया खँ ल्हवंगु खँ धयादिल। वय्कलं कार्यशालाय् ब्वतिकाःपिंसं संस्कृतियात कलाया बिम्बीकरण यानाः क्यंगु कला महत्वपूर्ण जूगु खँ धयादिल।

संस्कृति, पर्यटन तथा नागरिक उड्डयन मन्त्रालयया संस्कृति महाशाखा प्रमुख सहसचिव डा. सुरेश सुरस श्रेष्ठ नेपालय् यःमरि थुजाःगु थीथी अभौतिक सांस्कृतिक सम्पदा सुलाच्चंगु व उकियात संरक्षण यायेमाःगुली वः बियादिल।

प्रतिष्ठानया सदस्य सचिव देवेन्द्रकुमार काफ्ले 'थुम्केली'

नेवाः समुदायया म्हसीका क्वबुयाच्चंगु यःमरी लगायतया लोककलाया संरक्षण, प्रवर्धन व पुस्तान्तरण यायेमाः धयादिल।

प्रतिष्ठानया वास्तुकला तथा लोककला विभाग प्रमुख प्रदीप अधिकारी लोककला, संस्कृतिया संरक्षण व पुस्तान्तरणया ताःतुनाः थ्व ज्याभूवःया ग्वसाः ग्वःगु खँ कनादिल। वय्कलं लिपा लिपा नं थुजाःगु ज्याभू वः यायेगु ग्वसाः दुगु खँ धयादिल।

ज्याभूवलय् त्रिभुवन विश्वविद्यालय नेपालभाषा केन्द्रीय विभागया सहप्राध्यापक डा. राजनलाल जोशी 'यःमरिः कलाकारिताया प्रारम्भ' विषयक ज्यापौ न्ह्यब्वयादीगु खः। कार्यपत्रय् कलाकार तथा कार्यक्रम संयोजक मनरा प्रजापति टिप्पणी यानादिल। कार्यक्रमय् प्रशिक्षण रूपमा सुमन महर्जन बियादीगु खः। कलाकार सम्भना राजभण्डारी यःमरि कलाया बारे थःगु अनुभव कनादिल।

कार्यशालाय् ब्वनेकुथी ब्वंकीपिं नेपालभाषाया ८० म्ह शिक्षकपिंसं ब्वति काःगु खः।

अमृतरत्नया नेतृत्वय् पाटन सिबिआर



लहना वाःपौ/पाटन सिबिआरया वंगु शनिवाः जूगु २५ क्वःगु दैमुँज्या व १३ क्वःगु तःमुँज्यां अमृतरत्न शाक्यया नेतृत्वय् न्हूगु ज्यासना पुचःयात भिंतुना देछानादीगु खःसा सचिव लूनिभाः चित्रकारं प्रगति प्रतिवेदन व कोषाध्यक्ष रविन्द्र नाथ श्रेष्ठ मुल्मी आर्थिक प्रतिवेदन न्ह्यब्वयादीगु खः।

ज्याइवलय् मोतिशान्ती शाक्य, ईन्दिरा जोशी, शान्ता खड्गी, शाक्य सुरेन, आभा भ्ना, चन्द्रा ब्यन्जनकारपिंसं पाटन सिबिआरया थीथी पक्षयात कयाः नुगःखँ तयादीगु खः।

सिबिआरया नायः मिना शाक्यया सभापतित्वय् जूगु तःमुँज्याय् सभापति शाक्य सुभायुलिसँ न्हूगु ज्यासना पुचःयात भिंतुना देछानादीगु खःसा सचिव लूनिभाः चित्रकारं प्रगति प्रतिवेदन व कोषाध्यक्ष रविन्द्र नाथ श्रेष्ठ मुल्मी आर्थिक प्रतिवेदन न्ह्यब्वयादीगु खः।

न्हूगु ज्यासना पुचलय् न्वक् प्रा.डा. सबिना श्रेष्ठ, निवर्तमान नायः मीना शाक्य, छ्याञ्जे लूनिभाः चित्रकार, दांभरिं रविन्द्रनाथ श्रेष्ठ मुल्मी ल्यःगु दुसा दुजलय् छायां जुवा, शान्ति वैद्य जोशी, राज्यलक्ष्मी बज्राचार्य, चन्द्र धाख्वाः, राजेश बज्राचार्य व बेखा महर्जन निर्वाचित जुयादीगु दु।

भिंतुना व शरदया “भारा भारा मिन मन”

लहना वाःपौ/ नांजाम्ह गायक लिसे संगीतकार द्वारिकालाल श्रेष्ठ व नांजाम्ह कलाकार नगिना जोशीया म्हेयाय् भिंतुना जोशी व वय्कःया दाजु शरद जोशीं हालातःगु युगल म्ये 'भारा भारा मिन मन' वंगु शनिवाः छूगु ज्याभूवः दथुइ पितब्वज्या याःगु दु।

नेपालभाषाया सांगितिक ख्यलय् थथे दाजु व केहे जाना म्ये हाःगु थ्व न्हापांखुसी खः।

थुगु म्येया भिडियोया निर्देशन विश्वास जज्राचार्य यानादीगु खः। प्याखँ म्वः कथं भिंतुना जोशी लिसे मनोज महर्जनं म्हिता तःगु दु।

ज्याइवलय् नेवाः म्येया नापं शरद जोशीं हालादीगु खस् नेपाली भायया स्वपु म्येया भिडियो नं पितब्वज्या जूगु खः। 'के भयो आमा', 'कुराहरु', 'तिमिलाई दिएको आँसु' पितब्वज्या जूगु खः। स्वपु मध्ये तिमिलाई दिएको आँसु या भिडियोया निर्देशन शिवानी वज्राचार्य यानादीगु खः। थुके भिंतुना



जोशी लिसे सोहित मानन्धरया लिसें नेहा मालाकारया अभिनय स्वयेदइ।

पितब्वज्या ज्याभूवलय् ख्यालिजुजु मदनकृष्ण श्रेष्ठ व नेवाः देय् दबुया नायः पवित्र वज्राचार्य मंकाः कथं त्वादेवाय् मतच्याका उलेज्या यानादीगु खः। सभानायः नगिना जोशी लसकुस यानाः न्ह्याःगु ज्याभू वलय् भिंतुना जोशीं सुभाय् देछाना

दीगु खः। ज्याभूवलय् म्युजिक भिडियोया निर्देशकीपिं विश्वास वज्राचार्य व शिवानी वज्राचार्य लिसे विशिष्ट पाहापिं वरिष्ठ नृत्य निर्देशक बसन्त श्रेष्ठ, संगीतकार मनराजा नकःमि, वरिष्ठ गायक जुजुकाजि रन्जित व अग्रज सिने पत्रकार विजयरत्न असंबरे नं नुगःखँ तयादीगु खः।

निर्वाचनं ...

थीथी राजनीतिक पार्टीत जानाः सरकार दयेके मालीगु अवस्था वइगु सम्भावना आपालं दु। थुकिं नेपालय् स्थिर सरकार नीस्वनेगु हाकनं समस्या वइगु जूगु दु। गुकिं याकनं हे मेगु निर्वाचन यायेमाःगु अवस्था जुइ।

नेपालभाषा...

अथर्व प्रधान व सेकेण्ड रनर अप अनोम दर्शी बज्राचार्य जुयादिल।

नेवाः मैचा बौचाया बेष्ट लिडरशीप येइना महर्जन, बेष्ट नेपालभाषा सदिकछा महर्जन, बेष्ट नेपाललिपि युभानी महर्जन, पिक्चर पर्फेक्ट अकिला शाक्य, मल्टिमिडिया सामना महर्जन, एक्टिभ उन्नति बज्राचार्य, कल्चर अर्दिता महर्जन,

बेष्ट पर्शनालिटी निर्भेश श्रेष्ठ, बेष्ट स्माइल पुवा उर्जा तुलाधर, बेष्ट अटाएर उत्सव श्रेष्ठ, बेष्ट डिसिप्लेन मेधावी तुलाधर, बेष्ट एकाडेमिक निभा महर्जन, दयालेन प्रशान महर्जन, इनोसेन्ट आरज्ञा तुलाधर, मोष्ट अट्राक्टिभ अभिषेक श्रेष्ठ, मोष्ट स्टाइलिश आइकन समृद्धि महर्जन, बेष्ट इसिए सियोना मानन्धर र इन्टेलिजेन्ट जेज्बी यचु श्रेष्ठं त्याकूगु खः।

रामेश्वर श्रेष्ठ मू निर्णायक जुयादीगु धेंधेंबल्लाखय् न्यू जेनिथ इन्जलिश मोडल स्कूलया प्रधानाध्यापक राजु महर्जन, हुलाप्याखिमि श्रृष्टी महर्जन, म्येहालामि उजन शाक्य, हलिं नेवाः दबूया मूछ्याञ्जे लालिमा श्रेष्ठ निर्णायककथं च्वनादीगु खः।

नेपाःमिपिनि तःजिगु नखः
यःमरि पुन्हीया लसताय्
सकल नेपाःमिपिन्त भिंतुना
देछानाच्चवना ।

डा. महेशमान श्रेष्ठ
नेवाः न्ह्यलुवा

भर्ना चाल
नेपालभाषा M.A.

नेपालभाषा M.A. ब्वनादिसँ । ब्वंकादिसँ ।

नां दुतिना	स्वापू
नेसं ११४६ थिंलागा ९ तक (२०८२ मंसिर २७ गतेतक)	डा. राजनलाल जोशी ९८४३६१७६१९
निदुगं दस्तुर	जीवनकुमार महर्जन
नेसं १९४६ थिंलागा १४ तक (२०८२ पौष ३ गतेतक)	९८४१७९७०३८ दिपक संजेल ९८५१०९१५१७

त्रिवि, नेपालभाषा केन्द्रीय विभाग
पाटन संयुक्त क्याम्पस परिसर, यलध्वाखा, यल
छुं नं विषयलय् स्नातक यानादीधुंकूपिन्सं नां दुतिने फइ ।

इखाछैया सम्पदा म्हसीका बीत महोत्सव जुइगु



लहना वाःपौ/यलया छू सांस्कृतिक थाय् इखाछैया प्रचार व प्रवर्द्धनया तातुना थ्व हे मंसिर १८ निसं २० गतेतक स्वन्धुर्यकं इखाछैया कल्चरल फेष्ट ज्याइवः याइगु जुगु दु ।

इखाछैया टोल समितिपाखें थौं छू पत्रकार सम्मेलन ग्वसाःग्वसं थुगु ज्याइवःया जानकारी ब्यूगु खः । इखाछैया इतिहास, अनया सांस्कृतिक

सम्पदा व स्थानीय परम्परा, कला, संगीत व नसाज्वलं न्ह्यब्वइगु जुगु दु ।

थुगु ज्याइवल्य् भिद्वः मनूतय्सं ब्वति काइगु अनुमान ग्वसाःखलकं याःगु दुसा ज्याइवल्य् थीथी नेवाः सांस्कृतिक हुलाप्याखंयालिसं वाद्य शिरोमणी संगीत घराना, पासापिं, यल रिदम, द जेनिथ ब्याण्ड, इतिथ्री, युगअन्त्य, पर्पल भेलभेट व एनएस ११३४ पाखें लाइभ

ब्याण्ड न्ह्यब्वइगु ज्याइवः दु । पत्रकार सम्मेलनय् ज्याइवःया जानकारी बिसें इखाछैया टोल समितिया नायः सानुराज बज्राचार्य इखाछैया छू त्वाः जक मखसं छू लागा खयां नं थौं सीमित रुपय् लिक्नुना वंगु व छू हे त्वाल्य् न्यागु बिहार दुगु सम्पदाया तःमिगु, तम्बःजाकि चिम्बः जाकि, आल्को हिति, यैयाःबलय् बौद्ध किपा ब्वज्या याइगु थुज्चःगु महत्वपूर्ण सम्पदा दुगु थाय् जुयाः नं लिउने लानाच्चंगुलिं थुकियात म्हसीके बीगु नितीं महोत्सव ग्वसाः ग्वयागु जानकारी बियादिल । कृत्यकला प्रा.लि.या व्यवस्थापनय् न्ह्याकेत्यंगु थुगु महोत्सव ताःलाकेगु नितीं ३० गू थीथी नसा ज्वलं व स्थानीय उत्पादनया स्टल दइगु अले सुरक्षाया नितीं १५० म्ह स्वयम्सेवक परिचालन जुइगु जानकारी पत्रकार सम्मेलनय् ब्यूगु खः ।

२२ क्वःगु

राष्ट्रिय ज्यापु दिवसया

लसताय् सकल नेपाःमिपिनि

सुख, शान्ति, समृद्धि लिसं उत्तरोत्तर प्रगतिया

कामना यासं भित्तुना देछाना च्वना ।



मंगलकृष्ण सिंह

अध्यक्ष एवम्

ज्यापु संस्कृति विकास कोष

सम्पूर्ण परिवार

भासँ ! ब्वति कयादिसँ ! भासँ !

NEW ZENITH
ENGLISH MODEL SCHOOL

Invites in
2nd New Zenith Day
(20th Mangsir 2082)

Attractions are:

1. Science & Robotic exhibition
2. Creative work exhibition
3. Art & handicraft exhibition
4. Entertainment games stall with attractive prizes
5. Cartoon characters
6. Food stalls (jamos, Mo Mo, chatman, samyang, Boro, chaplet, Lushing, purpur, salad, etc.)
7. Dance performance by all Mahajan (P. number up of mero dance university)
8. Attractive orchestra, Dance, Songs
9. The Allstar Band is entertaining performances
10. Discount coupon for all visitors
11. Lottery for scholarship for 2083
12. Souvenir shops & So on

P.G. & Nursery
Admission open
for 2083

सार्वजनिक सेवालाई भ्रष्टाचारमुक्त बनाऔं।

- आफ्नो काम कानूनी प्रक्रिया र नियमअनुसार गरौं,
- उपहार दिने र लिने नगरौं,
- सेवाग्राहीलाई अनावश्यक दुःख दिने कार्य नगरौं,
- सेवा दिन कुनै ढिलासुस्ती नगरौं,
- घुस लिने र दिने दुवै अपराधी हुन,
- सदाचारीलाई सम्मान र पुरस्कृत गरौं, भ्रष्टाचारीलाई कारवाही गरौं,
- भ्रष्टाचार र अनियमितता विरुद्ध आवाज उठाऔं,
- अनियमितता भएको देखेमा तुरन्त अख्तियार दुरुपयोग अनुसन्धान आयोगको टोल-फ्री नम्बर १०७ वा सम्बन्धित निकायमा सम्पर्क गरौं ।

भ्रष्टाचार विरुद्ध शून्य सहनशीलता अपनाऔं,
सार्वजनिक सेवालाई पारदर्शी र जवाफदेही बनाऔं ।



नेपाल सरकार

विज्ञापन बोर्ड



छत्रपाटी निःशुल्क चिकित्सालय (अस्पताल)

"स्त्रीय शूलभ स्वास्थ्य सेवा सकसिया मिति, असहायता मिति जक निःशुल्क"

उपलब्ध सेवा

- २४ घण्टा सेवा
- इमरजेन्सी
- प्याथोलोजी
- एक्स रे
- ई.सी.जी.
- जीषधि परख
- जन्मरोग सेवा
- सिटी स्क्वान

शल्यक्रिया

- मोर्बिन्
- ज्वरक हठरी
- माक काक घाँटी सम्बन्धि
- हाडजोर्नी तथा नसा सम्बन्धि
- बिना विरधार पिशाक नलीको पत्तर सम्बन्धि

बहिरङ्ग सेवा

- मुटु रोग
- पेट रोग
- मुटुकोषी
- स्त्री रोग
- बाल रोग
- ज्वरमर रोग
- कण्ठ रोग
- अर्वाक रोग
- ज्वरमर मेडिसिन
- थर्म तथा वीर रोग
- माक काक घाँटी रोग
- ज्वरमर हृन्त रोग अथ
- नाइरोइड
- मधुमेह

मेमेनु सेवा

- ड्रेसिङ
- इन्फेक्शकोपी
- कोलोनास्कोपी
- किजियोपेरापी
- जलुजाइपट्ट, स्नर टुप्पर र डुको
- युरोलेनी स्नरको इन्त प्रयोगवाला
- टि.एम.टि. हल्टर



२४ घण्टा
इमरजेन्सी सेवा

७०६ गंगालाल मार्ग, छत्रपाटी, काठमाडौं, फोन: ५३१६१३६, ५३५७९११, ५३६६२२९